

宜陽縣志總目錄

卷之一

志序 檄文

原跋

例言

姓氏

圖表 星宿

城署

廟宇

縣屬七區

縣境八景

天文 星野

祥異

卷之二

疆域 山川

邑里

沿革表

紀事

古蹟 陵墓附

建置 城池
宮殿

縣治 寺觀

公署 樓閣

壇廟 倉儲

祠宇

坊表

橋梁

卷之三

宜陽縣志

總目錄

一

河南商務印刷所印

賦稅 戶口

田賦

漕糧

雜稅

鹽引

學校 學宮

學額

書院

義學

禮儀附

風俗 士習
節序

農功 占驗

工藝 四禮

商賈 方言

市廛

婦職

祀事

土產 穀類
飛禽

蔬類 走獸

瓜類 鱗介

果類 昆蟲

藥類 貨殖類

木類

花卉

祀典 祝文
祭明

樂章

樂節

禮器

祭品

樂器

舞器

卷之四

職官 列表

名宦

宦績

科貢 列表

封贈

徵取

援例

吏選

卷之五

人物 鄉賢
隱逸

文學 流寓

武畧 方技

治理 仙釋

孝友

義烈

鄉飲

紳耆

卷之六

列女節孝

貞烈

賢淑

藝文疏

論

書

序

攷

卷之七

藝文記

銘

跋

傳

卷之八

藝文詩

賦

謝編全集

金石

軼事

卷之九續

天文祥異

疆域山川

兵警

建置列祠

學堂

渠道

古蹟四壇故址

賦稅附稅

學校高小校

初小校

風俗

祀典祭期

祭儀

祝文

職官列表

官績

科貢列表

人物鄉賢

文學

武略

治理

孝友

義行

紳耆鄉飲

方技

封贈

卷之十續

列女節孝

貞烈

賢淑

藝文雜志

時政列表

此为试读, 需要完整PDF请访问: www.ertongbook.com

宜陽縣志目錄

志序

檄文

原跋

例言

姓氏

圖表

星宿

城署

廟宇

縣屬七區

縣境八景

天文星野

祥異

續修宜陽縣志序

國必有史以載禮樂刑政之大原與夫興亡治亂之所由然國不能虛而立也其基在郡縣縣之有志固國史之支子也事不出乎一邑之內爲人人耳目之所及故其紀載詳核不容有附會疑似於其間史家將於此取資焉然必得淹博敦篤之士操筆而爲之則其訂證審其取舍公於是乎足以羽翼乎史而傳信宜陽縣志自光緒辛巳續修而後又已三十餘年此三十年內事變亦至多矣張邑侯浩源至宜陽之始卽以修縣志爲念而屬之於王習初廣文廣文爲邑耆宿雖老而篤學不怠偕茹李黃諸君爲之閱四載而底於成取舊志之蕪舛者刪正之復

續編二卷則自辛巳以後之事咸備足以供輶軒之採擇焉余去宜已久而得觀今志之成以視辛巳之所修者固遠勝之旣重張邑侯之爲政能舉其大而甚喜廣文與茹李黃諸君子之用力勤也於其書之旣成故略誌數語於篇仁和葉濟序

續修宜陽縣志序

宜陽縣志成於清順治己亥增修於康熙辛未重修於乾隆丁卯而續修於光緒辛巳自辛巳至今又越三十餘年矣此三十餘年之中爲專制政體嬗代之秋其間典章法制大半改革至於孝義節烈代有其人典冊高文不乏作者莫爲之傳雖美弗彰以今日而言修志上以束專制之殘局下以啟共和之洪緒且使邑人士之流風餘韻懿行嘉言不至與蔓草荒煙同就湮沒顧不重歟三年夏張邑侯浩源來宰斯邑有見於此慨然有續修縣志之舉邑人王君鳳翔博學多聞實綜纂輯之任張邑侯去而劉邑侯昌宜楊邑侯僖超繼之及予來而適觀厥成蓋

已四易寒暑可謂勤矣書成王君問序於予援而讀之終篇見其於舊志之繁蕪者筆削之事實之譌舛者訂正之新制之頒布者詳載之人文之可歌可泣可傳可誦者搜採而增輯之蓋洋洋乎大觀矣乃歎張邑侯斯舉之盛而王君之勤益足多也是爲序

中華民國七年歲次戊午

京兆林裕燾序

續修宜陽縣志叙

中華民國三年之夏四月冀北豐潤

張筱波先生涖治吾宜斬荆棘闢草萊以與斯民休息甫半歲盜賊斂跡年穀豐稔編氓咸安其居政餘之暇繙閱縣志以爲徵文獻興禮教胥於斯乎在乃自光緒辛巳迄今數十年中未有紀述是弗可以莫爲之繼也爰商之幕賓王含章先生卽延茹瑞生李敏齋黃成三諸君以協修之任屬之翔實駑鈍猥蒙賞鑒得與從事於斯披閱舊志見夫往蹟之所存時俗之所習生聚教訓政理之所由施攷古證今日張綱舉極博洽亦極周詳信善矣抑嘗聞之善作者不必善成善始者不必善終我宜

陽縣志之修作始於順治十有六年邑前哲劉元波先生實任其事搜剔幽隱哀集散逸不數月纂輯成帙鑒訂者般陽王公嘗亟稱之曰善矣然時值明季兵燹之餘舊籍全付灰燼事既同於開創典恆艱於備舉當時論者固以爲未善也康熙庚午秋中丞閣公檄行八郡重修縣志於宜陽尤三致意維時廣川申公手自編輯邑前哲金兩如先生相與參訂旣成當時閱者以爲較之舊志恍如撥雲霧十重善矣顧體例維嚴事類尙簡典故或未盡詳賅章句亦未盡雅馴則仍以爲未善也於是周東陽楚元士諸先達復於乾隆丁卯間起而繼修之昌平周公實總其成條分縷析炳炳麟麟善矣而其序文猶云整齊故事

尙有待於後人蓋言夫盡善之難也迨至同治初年已越百有餘歲北平恆公宰斯邑興繼往開來之思致考古徵文之功敦請浚儀宋樹之先生暨吾鄉胡晏如先生爲之審訂成例增輯新聞稿成矣將付剞劂氏而恆公遽解組去又十數年歲在光緒辛巳福山謝公始踵成之當斯時廣文劉鷺序少尉龔煥章邑先達楊建堂周石倉陳貫九等共纂修是以今稽之有見爲繁稱博引羣書備列類數季偷家珍者然博洽矣而鮮所折衷考據未指其實有見爲質語樸叙婦孺皆曉類效樂天詩派者然周詳矣而多所附會吐囑或鄰於俚於此而重思刪定加之筆削則又涉於詆毀前志之嫌甚矣言盡善之難也雖然修者

治而去之之謂今日之事其即如前序所云於前志之闕者補之略者詳之義例之未甚允諧者改定之討論之餘重以修飾事固然也雖吾輩具乏三長見無一是第從事修途於善者從之不善者改之執是以待後有作者之善成於終也亦奚不可者於是乎書

邑後學王鳳翔謹叙

按光緒辛巳所編纂者義例悉仍恆公前志之舊而前志則編纂自宋胡兩先生宋先生客也博極羣書於郡縣沿革山川疆域古蹟紀事之條搜羅羅腹笥多所證引究之質實處殊少胡先生則於風俗土產人物藝文各類凡屬之本地風光者悉心採輯斷不怠倦家固貧乏無米待炊其子來求升斗之給弗顧也稿成方付梓恆公罷歸省垣先生竭蹶抱體以從就歲厥事未幾恆公薨宦囊如洗先生亦病困頓逆旅中其子與扶以歸抵家而卒志稿遺編類有舛訛要皆鏤版時校讐未及詳審之故而先生之苦心孤詣勞瘁固已極矣茲特叙之附以志

再叙

宜陽縣志經續修者屢矣其時其事亦悉列叙簡弁矣洎乎民國三年之冬歷次年春所爲於前志之闕者補之略者詳之義例之未盡允諧者改定之亦猶是續修事也顧自光緒辛巳以來迄今數十年中凡有變更宜皆紀述如學校之改設賦稅之增加祀典之廢置人物志紳耆列女之孝義節烈確經採訪者宜爲之徵實而顯揚之新政亟行當時人材輩出可以爲學界政界軍界紳界勸者宜爲之列表而昭揭之是皆文獻之所當悉存亦義務之所當自致者已迺材絀力弱病豎且復讐予遂於四年麥秋至日告歸養疴未及彙輯全編而

前縣長筱波張先生旋亦解組去此事遂落落焉置之高閣矣
戊午春京兆

林蔭農先生蒞治茲土修廢舉墮庶務咸理曩時共謀修志之諸君子謂可乘斯時以蕙厥事也乃相與函招敦促俾翔至此憶自髫齡入塾時摹制藝肄舉業未嘗寄意史志諸書既稍稍長心竊好之然兵燹之餘家藏就燬採購乏資恆借荆於百餘里外輒復抱殘守缺全窺爲難辛巳之歲得與於採輯之列每仿史例擬作志稿呈之前輩鄉先生頗邀首肯實則謏陋之學無可語於著作之林也今茲物就一編恆多舛誤疎漏之弊倘有識鑒能文章之君子竄易而補正之則幸甚幸甚

中華民國七年三月之望日

王鳳翔再叙

宜陽縣志

序

六

河南商務印刷所印

舊志序

按邑各有志宜之邑其來已久自成周歷秦漢晉唐宋明以迄我朝凡幾千禩矣其間山川人物風俗政蹟班班可攷者恃有志焉以攷之也宜經兵燹之後志書缺如前此諸君子未遑問及也予承命今歲四月甫蒞茲土蒙憲檄屢督縣志予遂詢之故老僉曰版籍灰燼無餘矣予以志紀有據之事非可意創也敦請邑紳劉先生元波相與謀之先生具班馬手筆直任之曰無難也因而搜刷幽隱哀集散逸不數月纂輯成帙予遍覽始卒大都參之經圖以志疆域本乎一統以志建置準諸禹貢以志田賦徵諸士庶以定官師協于鄉評以采人物稽之典籍以

綜藝文立義以審制修詞以審式據實筆削無一僞漏次第井然可觀予不覺拍案稱快遂亟選梓人付之刻鏤以期垂之久遠顧余於此竊有思焉宜之邑山川靈秀人物惇龐風俗貞淑予雖不能必陵谷之無變遷也人物之無囂凌也風俗之無涼薄也惟政事之責在予予又不敢自謂有得無失也有美無回也其爲計得防失釋回增美之慮日夜兢兢而未有艾也考之志云宜爲召伯巡行古地甘棠遺跡於今尙在春秋明禋崇祀弗誼凡蒞茲土者瞻顧是志倣召伯之遺躅而行之父母斯民之責庶乎其不愧焉爾則志之有裨於司牧者詎淺鮮哉昔李吉甫作元和郡國志謂爲政者執此可以治天下噫志書

既成邑事具備予披召伯之已事而志之不忍釋手後之君子其勿以予言爲迂也幸甚 順治十六年歲次己亥立秋之吉知宜陽縣事般陽王鼎胤撰

舊志序

古者諸侯之國有史如晉之乘楚之檮杌魯之春秋者是今之郡邑地方百里卽古諸侯之國也郡邑之志紀往傳來亦卽國史之屬也故一邑百里之內凡土宜之肥磽山川之夷險民生之利弊習俗之貞淫戶口之盈虛田賦之登耗政令之得失賢人君子之論著忠臣孝子義夫節婦之芳踪卓軌犁然具備旨寓勸懲義垂法戒其所係不綦重與宜邑舊固有志予猶及見

之兵燹之後圖書灰燼十數年來志缺如矣嗚呼文獻不足模範安存將後之視今不猶今之視昔耶余心竊有憂焉夙思纂輯恨謫陋弗克卒事頃者國治綦隆文教聿興憲藩諸公丕振大雅交檄而徵之合屬邑侯王公具良史才修舉固所優爲者特初蒞茲土百務待理未暇及此猥以余爲博洽造廬而下問焉余雖不敏誼不容固辭爰是博訪宿儒之所觀記旁咨父老之所傳聞併徧搜碑碣之所紀載左撫右拾朝參夕訂幾經揣摩而始編次成帙噫食時而就既愧劉安之捷懸金以市又乏呂覽之精姑以餽釘俎概全信不誣求不失三代之遺意云爾若夫譁譁其華琅琅其音與龍門洛下之銘少陵青蓮之詠爭

鳴鴻章奇藻以潤色太平則請俟後之名賢起而任之非予今日之所敢居也

順治十有六年立秋之吉邑人劉潔撰

閩中丞徵志檄文

爲續修志書以存文獻事照得郡邑有志必信必徵始足傳後其間博而不支簡而能盡彬彬大雅上之可列於職方下之可藏於石室蓋有關於政治者匪淺也豫省當天天下之中道里所均古聖賢大半發跡於斯則輜軒所至未有不訪其故實者而郡邑之志已三十餘年莫之增修其爲遺漏者多矣又昔年修志止取備文未加攷訂或限以數目或所託非人本部院逐一

查閱府志如河南南陽縣志如宜陽河陰蘭陽皆荒悖失倫莫可枚舉至於安陽汲縣乃彰德衛輝兩府首邑竟無志書尤爲缺典今本部院已將通省志書設局修正而各府州縣所送續冊未能畫一又通志所載限於定格不能如府州縣之詳則三十餘年所遺者十之六七自此漸遠漸至彫殘文獻無徵何從取信矧此三十年皆我皇上生聚教養之所培其戶口日增土田日闢文治隆而風俗厚災祥見而官民警安可不大書特書以爲一代盛典哉擬合通行續修爲此牌仰該縣官吏照牌事理卽延擇文學名儒熟知典故長於史事者博採典章蒐羅遺軼其舊志未載者一一補之舊志之外譌者悉改正之不得以

同名疑誤相沿不得以稗官小說攙入本部院又恐各屬參差不齊未歸畫一將凡例開明粘單於右悉照此爲規程若夫敘論之古雅典茂俱屬才人之大筆在乎各自留心稿成先錄草本呈送本部院批閱裁定其所費紙張工料須量力捐貲慎勿絲毫派之民間諒此不朽之盛舉可指日觀成也

康熙二十九年七月 日

康熙三十年十月初六日重修告竣呈送中丞閱 批

豫省諸郡縣志之第一宜毀而重修者莫過於宜陽茲則皆刪去之矣所作諸總論已疏通流利引用亦雅貼可喜較之舊志恍如撥雲霧十重是可喜也

藩憲趙徵志檄文

爲通飭事照得郡邑之有志猶國之有史史載一代星野疆域祥瑞災異以及君臣紀傳中外載記志亦如之史卽志之合志卽史之分也豫省通志於雍正年間延請名儒考訂纂修刊刻成集固足以信今而傳後但通志爲一省之綱領其細微節末端賴邑乘考載詳明查各府州縣志書大率於康熙初年纂訂之後類皆殘缺未經重輯此數十年來承平日久戶口繁多教化日興風俗移易土田則有墾闢之殊疆域則有改隸之異其人才疊見如掇高科而登黃榜者不乏人節孝可風而義行堪傳者不乏人至備位茲土某某治行越卓某某素餐貽譏其姓

氏尙在人耳目間及今博採輿論猶不失其真倘再因循日久不思增輯後之人卽欲採擇而編載之苦於文獻無徵則數十年之因革損益政績文章人物風土幾何不湮沒無聞謂非守土之咎歟夫今日之牧令額設公費無多欲其聘延碩彥多人開館纂輯付之剗劂誠力有所未逮然就邑中紳士擇其品行端方素有文名一二人與之商確考訂照依舊志條款逐加增輯抄錄成書一申司府備查一付禮房收貯俾後之人稽考有據可以踵事而纂修之其事簡而易行其費約而不繁當亦諸君子所樂爲也合行通飭爲此仰府官吏照牌事理卽便轉飭所屬一體查照辦理仍將作何修輯緣由先行具報事竣將所

輯之書抄錄送司查考毋視爲迂緩而致有高擱之舉毋畏其繁難而等於道旁之築是本司所深望也

乾隆九年九月 日

舊志序

庚午大中丞閻公傳檄郡邑纂修志書用以贊車書一統之盛也夫一代之興必有文治一邦之治必有文獻於以知邑之志與國之有史正同顧史或略地詳人志則書人書地書事物必悉使若汲冢岐陽蒼素莫晰漏遺靡哀奚以垂不刊之典哉大中丞檄下之日會儀眞汪公以翰林出守河南府志之修濡毫染墨立觀厥成矣我邑侯景州申公本董賈之才學爲卓魯之

治績仁義之言馥若椒蘭大人之理邃如江海其於天文也識
星野之分宿離經紀之常上瑞奇祲之由其於地輿也遍覽名
山大川登高臨深舒嘯賦詩不減古名流之憑眺其於版籍賦
役人物藝文之類悉能作所大要儀型名宦仰止先賢復作傳
作贊作銘作碑記纂叙成書簡而古朴而能該辛未大章月告
竣而虛懷若谷更延名碩考正越壬申夏乃得付諸棗梨是豈
斷簡殘編因陋就簡者所可同年而語哉一日徵予序予不知
所取材俾燕譚惡札錯出其間有玷璵璠良可訝也且以福昌
彈丸鄙人所耳目者僅一邑之建置沿革山河風土而已至如
百氏方技仙釋白馬東來青牛西去吞刀吐火刻木剪紙之幻

無關記載皆不求甚解間南眺屏山北臨洛浦於山見憩鶴之
嗥吼於水觀西度之汪洋其間宦流之籍人物之盛男務耕女
思織詩書之澤草墊之榮益信邑之有志卽列國之有史也今
際我 皇上久道化成崇儒重道賢諸大人公祖父母整飭文
教徵文考獻垂不刊之典以贊車書一統之盛予三復斯志洋
洋大觀有不能已於言者矣是爲序時康熙歲在辛未菊月之
吉邑舉人金式撰

宜陽縣志原跋

邑之有志昭文獻垂法戒也其載之冊者往蹟遺行必足徵足
信始可垂之永久勸風化而勵人心宜自兵燹後圖籍散亡志

殘缺久矣中丞閻公撫綏中土振興教化有修志之舉所在山川土田風俗人物約凡例十六則以昭畫一八郡檄文一時而下獨於宜陽志三致意焉蓋重惜其缺也又遇郡伯汪公以史館鴻才出守天中每召見爇必語及宜志揭其中之應訂者提命之令卽校讎無緩爇自愧謏陋弗克操觚竊思志之爲書創始難重修亦難以重修而兼創始愈難苟非才備三長虛公無我亦烏能核僞存眞辨疑信於注牒發潛德之幽光俾後之人聞風而興起乎當斯任者正難其人邑侯申公適下車公冀北奇才垂髫登賢書卽肆志於古自先秦兩漢及唐宋諸大家莫不博通淹貫茹英咀華以公之才卽校書天祿吾知染翰揮毫

不難與班馬並駕又何論一邑乘哉公抑抑焉若弗克勝乃進爇而詢之曰吾初蒞茲土耳其目未悉諸生中長於史才者曷具以聞予曰宜固龍馬負圖處左伊闕右嶠函枕山帶河地靈鍾秀代有文人顧今則先獻凋謝矣後進之士某也克採訪某也備參訂若夫總一書之成筆削刪定公其勝任而愉快乎公謝弗敏居無何邑之新政具布興利剔弊大綱振舉公於政事暇時巡行阡陌問採風問俗向父老訪遺事謂名賢偉烈固炳炳史册若幽貞之士孤嫠之懿兵革後湮沒於荒邱廬井者殆不少也故往往多所訪聞且宜多名勝之地予時從公遊登臨所至卽斷碑殘碣必考究原委低徊流連不忍去越半載蒐羅幾